

Khristian Tangkou |

9. Tv. Dr. Khamminthang, Delhi -----	20,000
10. Mrs. Nienlianching, Delhi = Anntang apieh -----	2,000
11. PWF Tuining -----	120
12. PWF V. Bethel -----	140
13. Nu Hoipi Oct. 2014 Tuibuang -----	700
14. Jamkhopao & Family, Central Church-----	10,000
15. Aina PYF -----	364
16. Upanu Chingzanieng, D. Phailian -----	500
17. Nu Chiinneikim, Lailamveng -----	3,000
18. PWF Laivam Veng -----	240
19. PWF Mangjing Anntang tanga pieh-----	1,000
20. Pr Jonathan Nehlien, Bangalore -----	1,000
21. Miss Naomi Samte, Bangalore -----	500
23. Alex Th. Paukhanmawi, Bangalore -----	500
24. Tv Ginthang, Bangalore -----	200
25. Gloria Nienghoikim, Bangalore -----	100
26. Pa Khakhai Samte, Bangalore -----	100
27. Nu Muanching. Ngaluru, Bangalore -----	100
28. B. Nelson Thangkhanlal, Bangalore -----	100
29. P. Thiankhansiam,...C Bangalore -----	100
30. H. Thangsuan,BC Bangalore-----	10
31. Pu Siampu, Bangalore -----	500
32. Elizabeth Manhoihniang, Bangalore -----	300
33. Ginlianthang, Bangalore-----	200
34. David, Bangalore -----	200
35. Paungaihthang, Bangalore-----	100
36. Cylia, Bangalore -----	100
37. Cindy(Hennur Chelkere), Bangalore-----	50
38. Joseph Kapminlun(sirgiinagar), Bangalore -----	50
39. Nuamneihoih, Bangalore -----	30
40. Paumuanthang, Bangalore-----	20
41. Chiching(Ingaraja), Bangalore-----	30
42. Kimboi(koromangala), Bangalore-----	20
43. Niengboi, Bangalore -----	20
44. Tv. S. Lalpaul, Sangaikot Food Corporation of India nuoi a kam (job) mu zieh a kipah thugenna = 5,000	

Editorial

AMASA'N Zou Synod huongsung Local chin
a Hattuumte zousie ang pei bai tading I
Mangpa Jesu Khrist min Khristmas leh Kumtha
chibai ka hing buh hi.

Bangteng hileh Pasian hoina leh mapuina zal
in eima gintat, kinepna khel lam ah Mangpa'n
bang lam banglam ah hing mapui in Ama Hattuum
hing umpi tahzet ahi chi muthei in a um ahi.
Tamteng ahiman in Mangpa'n thupina, Lalna
leh vangletna zousie tang taken!

Mangpa hoi hi chi loungal pen bangma gen ding
umlou hi. Tam teng mai hilou in Zou Synod
huong sung a local chin a Pasian nasepna
a thu nnasep, vaihawmna nnasep, silpieh a
nnasep a lungkelou a pan ana late kung ah
zong lungdam thu igen sawnsawn uhi.

Atawpna ding ah mihing apat bangma ki lam-
etna (hope) neilou a, eima tha tanga sum
law a silpieh Pasian a dinga petute kungah
zong lungdam thu kang tun ahi.

Tusang a atamzaw sem a Pasian nna semthei
sem dingin Mangpa'n Ama Hattuumte hing umpi
chiet in hing mapui zing taken!

Khristmas leh Kumtha-mannuom chiet vai.

THU TUOMTUOM

^{leh}Thumpi dingte:

- Hun leh kumte hing pei zel in i theilou kal un December haa lungdam pawl hunte bang itung touzel ta ua, Tam tan hing puitu Mangpa min loup iphat masa uhi.
- Pasian hoina leh mapuina muongkawm in ima naw December 11-14, 2014 sung teng Presbyterian Central Church te zintun na in Zou Presbyterian Church Synod kumtawp vaihawmna khawmpi a (11) veina um ding ahia, mimal leh Hattuum chin in ilup, ithaw in thumna toh thei zing vaui. Tahsa hagau a lawh taha man ahi theina dingin.
- Thumsahna:** I Synod huong Belampu nnasem Upate, Pastorte adin thumsah vaui. Tulaitah a laisengthou maban jil ineite amauhte:
 - Rev. Kapsuonthang BD - TTS Imphal - (Jillai)
 - Rev. Mangmuanthang BD - TTS Imphal - (Jillai)
 - Mr. Gouginsang M.Th. - ETC Jorhat - (Zouta)
 - Mr. Khamsonkhai M.Th. - ATC Aizawl - (Jillai)
 - Mr. Suonglienkap BD - TTS Imphal - (Jillai)
 - Mr. Khupsianlal BD - ATC Aizawl - (Jillai)

Amauhte adin mittui luong pum in thumsah vaui. Amauhten agam/ College Standard mai enton lou a hagau lam a pawlpi iitna toh ang gasuo chiet theina ding un.

- Hateng phiel a Zou Synod Tunnu Limbel (Orphanage Home) Pasian nnasepna sang pen banga ngai a hing phung vuo gigitu Flora Hatnu (UK) ama kung ah kipahthu genkawm in inichin thumna ah thei zing vaui. Mangpa'n chidam, ludamna toh umpi taken.
- Gamdang mun tuomtuom a sepna nei, ahilou leh siemna jil a umte adin thumsah chiet vaui. Ajiehpun amauhte zong chidam a lungdam pawl X-Mas mang ding a dam a ang peitheina dingun lamzanna, chidamna ngetpieh vaui.

Eden tha pen ah Pasian in Amite atenpi denta ding hi.

- * Eden luipen ah Pasian in Amite a deldoh a;
Eden tha pen ah Pasian in Amite a welcome ding hi.
- * Eden luipen kikhenna mun ahia;
Eden tha pen kimutuona mun ahiding hi.
- * Eden luipen 'Tahsa' gam ahia;
Eden tha pen 'Hagau' gam ahita ding hi.
- * Eden luipen 'Nisa leh Havah' poimawna mun ahia
Eden tha pen ah 'Belam nou' nisa sang in avah zaw ding hi.
- * Eden luipen a mite a 'shi thei' ahi ua;
Eden tha a mite a shi ngai nawn sih ding uhi.
- * Eden luipen a mite Pasian samsiet tang ahi ua;
Eden tha a mite Pasian guoljawl tang ahiding uhi.
- * Eden luipen a Adam ashi zouta a;
Eden tha pen a Adam 2na ashi ngai nawn sih ding.
- * Eden luipen bangma toh akizem sia;
Eden tha pen suongmantam chi 12 a kizem ahi.
- * Eden luipen a mi Adam khu 'shina' kipat na ahia;
Eden tha pen Adam 2na pa 'Hinna' kipatna ahi.

Eden lui apat a "Eden tha" lut na ding a chabi (Key) kempa khu Adam 2na Jesu Khrist ahi chi na thei taima, simtu deitah I ngahla Khristmas in hagau lam guoljawlna hing puoh taken. Amen.

ZPWF COLUMN

29th October to 2nd December, 2014 tan a Tunnu Limbel a ding a panpina hing peteng tam anei a bang ahi.

- PYF Joint fellowship tholawm----- 710
- Nepi Central Church ----- 500
- Delhi PWF----- 18,250
- Hauliankap, Delhi ----- 1,500
- Chinglianchiin, Delhi ----- 600
- Ruth Niangkhanching, Delhi----- 1,000
- Kimdeilian, Delhi----- 500
- Tv. Khaibiehlian, Delhi ----- 1,000

um a
 - Gentheite kunga Khantanhoi gen dingin ang telta hi.
 - Sawltahte kunga suotatna thu gen dingin ang sawl hi.
 - Bawlsiet a umte suotatna dingin
 - Mangpa lungdam kum thu gen dingin ang sawlta hi.

Israel tate guolnop ni

Persia gama kumpipa Ahasuras Lallai a migilou “Haman” Policy bawl jieh a, Israel tate shi dinga thu umsa a, a umlai in, Pasian in hei lamdang in ashina ding uh ni khu Israel taten Guoljawlna ni thupitah alesuoh tahi. Esther 9:19 ah tambangin gen hi. “Kulh bang neilou khopia tengte leh khota a tengte leh singtang a teng Israel miten **Adar ha ni 14** khu kipahna leh guolvahna ni, nopbawl na ni leh khat leh khat silpieh kipieh tuona, khawldamna leh annehkhawmna ni

in amang ta uhi.

Ei mihingte zong imelmapa uh migilou pa (setan) bawl a shina leh gawtmun a kumtawna mangthai dingte ihi lai ua, Jesu Pasian tapa leitung a ang pienni khu kipahhuoi ichi lou thei sih uhi. Tuajiehin tammi Jesu pienna kipahtah leh thanuom tah a iveh a idam ua “Mangpa ipahtawi ding uhi” II Tim. 1:10 na ah, Paul in “Jesu’n ashina sumangin Khantanhoi zal in hinna leh shithe louna ang tunta hi” achi hi.

Laphuohtu in: “Aw Jesu tunin ka lungsim bawnginn sung ah, hing piengtha kia inlen, ka kumtawn mang dingin, ka khut sienglou na tun Mari khut in geel in, kumtawn in ing pahtawi lengta vang” achi hi.

Mangpa’n simtute zousie guoljawlta hen.

EDENTHA: ALUI SANG ANUOM JAW

- Upa Gouzamang
 Central Church

- * Eden luipen ‘Suol’ thuneina mun ahia;
 Eden tha pen ah ‘Suol’ in mun nei nawn tasie
- * Eden luipen ‘Setan’ atha hat a;
 Eden tha pen ‘Setan’ muphah ahita sih ding
- * Eden luipen ah ‘shina’ singkung apou a;
 Eden tha pen ah ‘Hinna’ sing ngen a pouta ding hi.
- * Eden luipen ah Pasian in Amite nitah lam in ave a;

6. Sepna mutha a halaw masa pen pie: Mr. Popaul S/O Upa Lalkhokam Sangaikot a um tapa 3na in Indian Food Supply (I.F.S) Sepna mutha in a halaw (Pay) masa pen Pasian gam nasep na din Rs. 25,000/- hing pekhie hi. Mangpa’n ama leh a innsung mite aletamsem in guoljawl taken

Thum in! Kisakhawl in! Tel in!

7. Pasian hoina leh mapuina muongkawm in ahing tung ding January 16-18 sung Zou Presbyterian Youth Fellowship (ZPYF) saina in Zou Synod Compus Zomi Colony ah Annual Conference um ding ahia, tahsa hagau a lawching taha zah ahitheina dingin Hattuum leh mimal chin thumpi chiet vaui. Khawmpi thupi ahi leh “**KHANGLAI JESU KHRIST KINEPNA**” chi ahi.
8. Apeisa November 4, 2014 zingkal in Mannieng khuo Presbyterian Church panlahna toh Biehinn tung siekang atung kikhuh zouta dated 8th November 2014 ni in PYFten asung lei sung in nasep peitou lel in Christmas masang ngei a Biehinn honna nei ding uhi. Thumna toh ana pang chiet vaui.
9. **Lungdampina:** Zomi Colony a um Upa M. Kamzadou in kum bangtan ahei I & FCD a Head Clerk a sepnuo in dated 10th November 2014 in superintendent ah Promotion mu hi. Ama lawchinna tungtawn in tam i Khristian Tangkou tungtawn in kipah thu ipuong uhi.
10. Pasian hoina leh kithuopina zal in Presbyterian Church Zomi Colony zintunna in PCI level a Consultation on Enviroment Migrant/Climate Refugees Impacts of Climate change and Church Response” chi thupi zang in apeisa November 18, 2014 niin kijang zouta.

Resource persons:

1. Rev. Dr. PBM Basaiwmoit
2. Rev. Dr. PBM Basaiawmoit
3. Rev. Stephen Chinzathang
4. Rev. Laldawngliana
5. Group Discusion

11. Pasion hoina leh umpina zal in apeisa November 20th-23rd 2014 tan daidingin Laitumkhrach Shillong ah PCI Gospel Campaign a pei dingin ei Zou Synod Mission Field te apat tam anei a bang in pei uhi.
 - a) Paspoti (Nepali) Field apat mi - 2
 - b) Mangjing Field apat mi - 3
 Theme: Jesus is the life (John 14:16).
12. Thumna toh ana pang in ! Zou Synod Mission's Khawmpi 2015 Amun, Presbyterian Church Zomi Colony (ZPCS) Ahun: 13-15 February 2015.

Thupi: Koi ka sawl diei? (Isai 6:8)

Speakers: 1) Rev. Khupkhansuon
 2) Rev. Thangboi Khongsai
 3) Rev. Kaimuonlal
 4) Rev. Hangpi Manlun, Moderator, ZPCS
 5) Rev. Tualzachin Sr. Executive Secretary
13. Zou Synod Mission's Activities/Progress
 - 1) Mangjing Compound fencing ding Rs. 50,000/- Sanction ding
 - 2) Mangjing field leh Paspoti field table leh plastic chair - 5 tuoh pieh ding
 - 3) Tukum Paspoti field-te advance Christmas neipi ding.
14. Lungdampina: Zomi Colony Hattuum apat Pa S. Khuplianlal @ Danny Suontak s/o Pu S. Dalhang tapa in Child Protector Officer sepna mu in, a sepna mun London (UK) lam ah hing pei san tahi. Ama tam i Khristian tangkou tungtawn in i kipahpi thu i puong uhi.

Simtute zousie

2014 Christmas leh Kum tha 2015

chibai!

eisol uh chi a theitahin alungtah taseng a Bethlehem leh akimvel a pasal naupang kum ni nuoilangsie athat siengta hi. Jawlnei Jeremiah in ana gen, "Rome khuo ah aw ngaitah a kiza hi, lusun kana aw ngai khu Rakel a tate sun in akap ua, koima hai zou in a um vawt sih uhi. A tate uh ashi tah jiehini" achi khu hing tangtunna ahi. Herod BC 4 in ashi ta a, Mangpa Vansawltah in Joseph mang ah thugen in "Naungeh thasawmte khu ashi ta ua, thou inlen naungeh leh anu toh Israel gam ah kilekia tan" achi thu a apie a, athou a, naungeh leh anu pui in Israel gam ah apei ta hi.

Naumin phuohna

Jesu a pien apat ani 8 chinna khu tahsalam a Judami ahi jiehini teptan dingin Jerusalem temple ah anu leh apa toh apei uhi. Nisagi sung khu eite i kithoi chienga zietan bangin nausen nu in zietang a asienthou angai hi. Nau neinu (nupi) khu akisiensuona dingin ashi kuon zou in ni 33 zie atang nalai uhi. Jesu kisiensuona ni leh Mari kisien suohna akituoh hi. A kisiensuo masangun nausen nu in sil siengthoute akhoi thei sih a, puonbuh sunga lut zong phallou ahi. Nausen latna ah anei zou ten annkuong thupitah in alui ua, aneila

deuten belum nou ahisihleh vakhu 2 ahei vappaal 2 ahei atuoh ding ua, khat khu halvam kithoina azah ding ahi. Siempu in abawl ding lawmte abawl zou chiengin sakhuo dan a nau neinu khu asieng a ngai ahita ding hi.

Jerusalem ah pasal khat ngaisah leh midih vawt ahia, Israelte hundam a um ding uh ngahpa ahia, hagau in a umpi a, Messia na mu masangin shi vawt sih vateh chin hagau in a theisah hi. Simeon khu Jerusalem temple ah ava kikhawm a Jesu nu leh pa'n a aang a atawi lai uh ala a, atawi a, Pasion in nasuoh khu lungdam tahin peita hen, ajieh pen ka mit in na hundamna a muta chiin lungdam thu agen hi. Tualeh Mari kungah ngai in, tam nausen jiehini Israel lah ah mi tampi puona ding leh dinsuo ding a Pasion mitelpa ahi. Mi tampin a gense dinga, tuami hun chiengin nangma kung tung ngel ah namsau banga hiam lungkhamna in na lungtang ang sun pailat ding achia, a tua khu a tapa (Jesu) Kross a ashi hun chienga anu (Mari) daa ding dan agenna ahi. Judate khawlni (Sabath) ah ava kikhawm a Jawlnei Isai laibu asim dingin apie ua, aphen a, tam banga kigelna mun asim kha hi.

- Mangpa Hagau khu ka tungah a

“Judia gam a Bethlehem aw, nang Judia gam sung khopite lah ah, khopi simmaw huoi hi vawt sih chie; nang a kipat in Israel mite pui ding uh pa khat hing pieng ding ahi, achi uhi”, chin a dawng uhi.

Tuabep in Herod in Suolam mipilte daphat in “Bang hun laitah ahiei? na Ahsi muna uh? Peita unlen tua nausen khu vasui unlen na mu chiengin ka kungah hing pei kia un ken zong ka bie theina ding in Bethlehem lam ah asawl tahi. Mipil thum ten zong ma anaw zel ua, Suolam a amungai ma uh Jingsawl Ahsi neelkai amukia ua, akipah uhi.

Tua a Ahsi mu uh nausen kung atun masangteng un apui zel hi. Aahsi khu Bethlehem tung laitah ah akhaw a, mipil thumte pen Aahsi lam a siemna nei ahi zieh un Aahsi khawl na nuoi khu nausen umna Bethlehem hiding ahi chin anapui ua, asung a alut uleh anu Mari in ana pomlai khu amuta ua, a goubawmte uh hongin Dangka engte, Begawte leh Murrate a pie ua, khupbawh in abeta uhi. Tualeh silpieh 3 ahi jiehin mipilte zong thum ahi ding ua, aminte uh - Kaspate, Melkiorte leh Bathasar te ahi uh, achi uhi.

1) **Dangka eng** in “Leeng” ahina aensah hi.

2) **Begaw** khu halnamtui a kimang ahi jiehin “Siampu” ahina a ensah hi.

3) **Murra** khu silkha namkhat ahia, eite tatna dinga genthei taha ang thuohna dingte a ensah hi.

Tualeh mipil thum ten ava bie un nausen khu gan-annkuong sunga lum nawnlou in muntuom ah ana sielta uhi. Jesu pienna Bethlehem mutheina ding in laigiel miten leitung pilna toh asui ua, a umna uleh Bethlehem khu mile 5 akigamla giap ahi, Hagau mita asui lou zieh un amuthei sih uhi. Suolam mipilte pui ding leh mizousie pui ding a Pasian in jingsol Aahsi-Nelkai a umsa ahia, “Hagau mita suloute ding in bangma muthei ahisih, chi ang theisah hi.”

Jesu manga Vansawltah kihilna
Suolam mipilte peizou nua in, Mangpa Vansawltah khat in Joseph mang ah ava kihil a, Herod in naungeh khu tha tum in hing sui ding ahia, thou inlen, naungeh leh anu pui inlen Aigupta gam ah taipi tanlen thu kang pieh kia masangsie umdenpi in chin thu apie hi.

Tuachin Joseph in zong nausen leh anu pui in Aigupta ah ataipi ta a, Herod shi masang teng a umden ta uhi. Herod in Suolam mipilten

Report

DELHI ZPWF TOUR REPORT

Pasian umpina toh ZPWF in zong tour a kibawl tou zel a, tua dungzui in Delhi Hattuum ten zong dated 2nd Nov. 2014 niin Pi Thangneivah leh Rev. Zamlianpau kithuoh in ZPWF sawl dung zui in kikhopna vaneipi in, Guide line dungzui a, kivaipuoh ding dan thu ava houlimpi uhi. Ama uhte zong thanuom thei mama in Tunnu limbel zong awlmaw na lientah a nei ua, silpieh zong itahlat bangin ang petam mama uhi. Ama uh te nasep tung ah ilung adam a kipahtu igen uhi.

- Reported by
Nu Thangneivah

PRESBYTERIAN WOMAN FELLOWSHIP, ZOTANG DISTRICT ZTP, ZPCS

KHANGTHU SUUTNA TOMKIM REPORT - 2014

PWF, Zoutang District khu aki phuchillai in ZWCA ana kichi ahi. Lamkai masate tungtawn a ZWCA ana kiphukhiet dan tom kim in sut vai.

Dated 12th September, 1964 kum in Geljang khuo ah Zotang sub-district pate khawmpi ah sun hun pen numei pawlte a ding in ana pie uhi. Tualeh Upa Thongsiam in mapui in numei pawl in zong maban a kivaipuoh ding dan leh peiding dante genkhawm in toukhawmna ana kinei hi.

Amasapen in Zotang District sunga numeite kipawlkhawm theina ding chin dated 12th September 1964 akipat in Zotang Women Christian Association ZWCA chia ki minvaw in phukhiet ahita hi.

Tuaban ah, ZWCA vaipo dingte telna nei ding thu ah guot a um T. Khupkhenpao in election Chair mun luo in kiteelna pat na ding in Miss. Pauzaching in thumna nei in kum 1964 -1965 sung a vaipo dingte tam anuoi a bang a telkhiet ahi.

1. Chairperson : Miss. Thienkhonieng, Buhsau
2. Secretary : (L) Miss. Pauzaching, Simbuh
3. Finance : Miss Vungzanieng, Muallum
4. Treasurer : Miss Ngaikhannieng, Buhsau

Tualeh khochin a numei Chairperson/Secretary te khu Standing Committee member ding a guot ahi uhi. Tam teng zou in Miss Thangsuannieng Muallum in thumna nei in kitelna hun ana zouta uhi. Tualeh Tarik 28/1/1966 kum in ZWCA khawmpi masapen Panglian Presbyterian Chruch ah ana um hi. Khawmpi sunga thugente:

1. Upa Khamchinhang
2. Rev. Kamkhojam
3. (L) Rev. Vungdal, Simbuh Biel Pastor
4. (L) Upa Dongzagin, Tuaitengphai

Khawmpi masapen a Programme sutman Rs. 1.75 Secretary in ama sum ana jah thu committee ah ana gen khawm ua, nanleh Committee in “Tu leh tu a sum a um theilou jiehin khawmpi Session chieng a ngaituo ding ahi” chiin thupass ana giel uhi.

Fund-rise nadingin target ana siem ua, apethei khuote ahileh:

1. Panglian Rs. 5
2. Buhsau Rs. 10
3. Muallum Rs. 5

1965-1985 tan ZWCA Chairman/Secretary ana kichi uhi.

1986-1994 tan ZWCA President/Secretary ana kichi uhi.

1995-2014 tan PWF Chairperson/Secretary ana kichi uhi.

ZWCA Silver Jubille

President : Nu Chingkhoman
 Secretary : Sye Ginzahau
 Amun : Buhsau Presbyterian Church
 Thupi : “Numei hoi”
 Ahongtu : Rev. Vungzalian
 Ahun : 2/12/1989

Zotang District PWF Goljen Jubille 50 chinna 1964-2014 tan

Chairperson : Nu Zouching
 Secretary : Mangneiching
 Amun : Muollum Presbyterian Church
 Thupi : Lamtungtawn a Mangpa in eite ei pui
 Ahongtu : Rev. Khupkhansuon

Bethlehem 2 a um a:

- 1) Judia gam a Bethlehem
- 2) Jebulun gam a Bethlehem
- 3) Bethlehem khu Tanghou inn china

Belamputen Jesu avena uh

Bethlehem gam huop sung ah Belamching honkhat pawnlah ah aum ua, thakhat thu in Mangpa Vansawltah khat akung uah va kihil in, Mangpa loupina in akimvel uh ataan vah a, a jaushi vawt uhi. Tuachiin Vansawltah in akung uah “Jausih un, michintunga lungdamna thupha hing tunna ding noute a ding a Khantanhoi ka hing puo hi. Tuin David khopi ah na hundampa uh Khrist Mangpa khu apiengta a, tam khu nou a dinga chiemtena ahia, Nausen puon a tuom gan annkuong sunga lum khu mu va uteh achi hi. Khumin, Vansawltah toh umkhawm van mipiten Pasian phat in “Tungnung pen ah Pasian loupita hen len, lei a alungdamna mite tungah lungmuanna umta hen” chia van lapawl asah zou in van ah apeikiata uhi. Vansawltah ten van a apei sannua un Belamputen emergency meeting nei in “Bethlehem ah vapei vai in Mangpa hing hil banga sil umte va enta va ui” chin Bethlehem lam ah apei ta zinzen ua, Mari, Joseph leh naungeh gan annkuong sunga lum in ava mu

ua, naungeh tungtang Vansawltah in agen bangin avamu ua, a genthang kawi ta uhi. Tuachiin Belamchingte aumna ua kilekia in asil mute uleh athuzahte uh ziehin Pasian aphot ua, a lengkhawm uhi. Tam Belampute khu - I Belamte nuasie talei bang ana chita diei? chi lou in Mangpa athuhilna bangin a gamtang ua, damtah in akilekia ua, abelamte uh zong kimtah in ana um uhi. Tuaziehin Khristmas bawl masapen asuoh uhi. Tammin Mangpa nasepna asuonlam chinglou dingin ang theisah hi.

Suolam Mipilte vena

Palestine mi “Idumian” bete Rome kumpiten anuoi ua leeng a “Herod Judia gam a apangsah lai in, Jesu Bethlehem khopi ah apieng hi. Suolam mipilten Aahsi apat in theikhie in Jerusalem ah apei ua, “Judate kumpipa hing pieng akichi a, heisung e? Ama be dinga hing kuon ka hi uh, achi uhi. Herod in Judate kumpipa pien ding Suolam mipilte apat a zah bep in alungkham a, Jerusalem mipite zong alungzing uhi. Herod in a gamsunga siempuliente leh dansiem syete zousie hankhawm in, “Messia” heisung a hing pieng ding ahiei? chin a dong a, David khopi ah, ajieh pen jawlnei ten tam bangin na giel uhi:-

Vansawltah in ahil dungzui in Mari khu akinunpita a, hinanleh ta nei masangsie aluppi sih hi. Jesu min khiehna khu (Jehova a hundam) china ahi.

Zakaria kunga Vansawltah thugen

Temple sunga Vansawltah in Zakaria kungah John pien zieh a ama leh mi tampite kipah ding dan athugente ithei uhi. Zakaria tehsie ahi jieh a tanei dinga akigintat lou dan agen zieh a vansawlsieng in Pasian apat a “Tam kipahhuoite hil dinga sawl” ahidante imu uhi. Tammi thu in ang theisah utpen khu, I Mangpa Jesu hing pien khu ginglellou in igingta ding uh chi ahi.

Mari in a sanggamnu Elizabeth ava kawm na

Mari in agai (naupai) ding khu lamdang tah a hil a um zou in asanggamnu Elizabeth ava kawmpai zinzen a, Elizabeth (Zakaria ji) asunga Johan apai aha 6 chinna ahi ta a, tuachin chibai akibuh ua ahileh Elizabeth Hagau adim in a gil sunga naungeh (John) khu akipah seng in apia a, akidieng hi achi Mari in “Ka lungsim in Mangpa apahtawi a ka Hagau zong ka hundampa tungah anuom taseng hi” achi hi. Tammin ang theisah ut ahileh Mangpa Jesu

hing pien khu keia dinga hing pieng ahi, ichi thei uh ngai ahi.

1st General Census (AD 14 leh BC 31) kilaap su

Kaisai Augusta in Rome Kumpi masapen ahi lai in kisimpina masapen (1st General Census) minkhum dingin amau khopi chiet apei dingin thusuo (order) khautah mai asuo a, David pienna ahi ziehin Joseph leh Mari zong Judia gam a Bethlehem ah apei ua, misiemte gendan in Mari anau neikuon zong ahitah ziehin lamsau lamtou ah teikhut khut kawm in apei ua, khawl zelzel ahiman un Bethlehem atung ha ta ua, khuolbuh zousie ana luodim siengta uhi. Khuolbuh a tanzou nawn talou in khuolbu vengpan bawnginn sung a kawhmu a, tuona a zintung ta uhi. Zankim ding vel in Mari in nau aneita a, anausen kaa aw gin khu khuolbuh vengte nupa in aza ua, ava et uleh Mari in nau ana neita a, tuachin amaun dahuoi na e! Nang khovel hundampa pieng ding nahi lam kithei masa leh “Special Room” ka nakhaam tah ding uh, achi ua, chibai abuh uhi. Tam san a i lungtang hing khoi pen khu “Jesu khuolbuh atan zoulou khu ahia” nang leh kei lungsung ah i mimal hinkhuo ah Jesun mun atangzou ei? chi ahi.

Sermon

“...LEMNA MANG...”

Isai 9:6

-Rev. Jonathan Nehlien

Global Peace Indexte’n 2012 a amukhieh dan un leitung gam muongpente ah Iceland, Denmark, Austria, leh New Zealand pang hi. Gam muongloupente ah Syria, Afghanistan, South Sudan leh Iraq hi in suikhie uhi.

Forbes pawlte’n 2013-2014 sunga khawvel a gam muong 10 atelte ah Iceland, Denmark, Austria, New Zealand, Switzerland, Finland, Canada, Japan, Belgium, leh Norway pang sah ua, gam muong loupén 10te ah Syria, Afghanistan, South Sudan, Iraq, Somalia, Sudan, Central African Republic, Democratic Republic of the Congo, Pakistan, leh North Korea pang hi. Adiehin Afghanistan gamte, North leh South Koreate, Pakistan leh Iraq gamte bang iet chiengin kidouna bei theilou ding hileh kilawm hi. Hinanleh leitung gam lamkaite’n khawvel a lemna leh muonna aum theina dingin pan lah akhawl ngei sih uhi. Bangchileh lungmuonga khosa khawm thei ding imah chi khu abuoipipen uh a hizing hi.

Khristmas message thumal khat a khaikhawm sah ding hitalei “Lemna” hi pen va. Lemna pen mimal, insung, hattuum sung,

khosung leh khotaang, nam leh gam sung khantouna dinga sil poimaw pen khat ahi. I Bible (*KJV*) iet chiengin “lemna’ chi thumal maimai 429 vei tah atuonga apoimaw china ahi. Mihingte lemna leh muonna deilou koima ium sia hinanleh lemna leh muonna aum theina dinga panla mi ki tamlou hi. Mi khenkhat a dingin lemna i chi leh gam leh gam kidouna, gaal le tuol toh metbeh pai bang ium mai thei hi.

Thuhunlui ah “*Shalom*”chi ahia, gaal leh tuol umlouna henlam peh genna’n akizang a, polam dinmun toh kisai bangma akawh kha siha, tuasangin sunglam dinmun gennan a kizang zaw hi. Tualeh Thuhuntha ah **Lemna khu Greek ham in “Eireinei” a kichia tuapen i Khristian hindan lampi lungsim ngaituona lama Pasian toh ikizopna lampang a genna ahi. Bible in kilemna agen chiengin sil 2 zong akawh thei hi: 1. Mi khat in**

Jesu khu Mang leh hundam dinga apom chiengin ama hinkhuo ah Pasian toh kilemna ang nei ta hi. **2. Pasian toh akilem zou chiengin a nichin hinkhuo ah Pasian a kipat in tua lemna, muonna leh bitna amu zing thei ahi.** Tuaziehin Bible a lemna agen chiengin hundamna thu a Pasian toh kilemna ahisihleh nichin hinkhuo a Pasian toh lungsim ngaituona leh hinkhuo kilem zing theina agenna ahi. Eph. 2:14, 17.

Guolnei Isai in Messiah khu Lemna Mang ahi chi ana puong lawh ta hi. **Tam Lemna Mang ki chi min umzie ahileh** Hebrai ha'm in *Shar Shalom*, aki chia tuapen "lemna leh muonna subuoithe zousie lamangtu leh lemna bukim umsaktu" china ahi. Lemna Mang toh kisai thu 5 houlim zuai vai:-

1. LEMNA MANG KICHI MIN PEN MIN LAHAALUNG MUON HUOI PEN MIN AHI. Tami'n khawvel vaihawmtute shisan suo a gaal leh tuol bawl a gamlatu lengte apat Jesu Khrist tuomse ahi dan muthei ahi. Ama vaihawmna pen a shisan senga a kipumpiehna ah akinga hi. Nebuchanezer lengpa leh Davidte loi lenggam lah dan toh kibang lou hi. Tami Lemna Lengpa chi min in agen nop ahileh Jesu pen ami (Juda) te'n a melmate ua pat

hunkhiea Solomon kumpi hunlai banga Israel lenggam tung ding kia ding leh Rome gam vaipawte khut apat zalenna pe dinga ana kinem uh hinanleh a lungsim loulam tah un Jesu ang pei ta ahi chi tami min ah akilang ta a, lemna deiloute'n Lemna Mang apat bangma lamet leh mu ding a kinem nawn ta sih uhi. Alelamah Ama sangtute a dingin vang umzie nei mama leh silbawl thei min ahi kia hi.

2. LEMNAMANGZALINEITEN A PASIAN TOH KILEMNA INEI THEI TA UHI. Bethlehem bawngbuh ah Lemna Mang khu tahsa hing suohin mihing in ang pieng hi. Kalvary ah khielloupa khiel in akisim a migilou pente kitha bangin akithat a atahsa tungah mihingte gitlouna zousie apuo hi. Psalm 85:10 in, "Khotuona leh thutah akimutuo ua, dihtatna leh hamuonna akitawptuo uhi," achi bangin mikhiel nang leh kei toh Pasian kilemna dingin a kross ah a shisan luong khie hi. Pasian toh kilemna gasuo khat ahileh midangte toh ikilemtheina uh ahi. Sunglam kidouna abei chiengin polam kidounate zong akilem thei ding hi. Tuazieha Paul in Ephesate kunga lai ahah in a ama khu ikilemna uh ahi ana chi ahi. (Eph. 2:14). Jesu Khrist ah mihingte khu Pasian toh

2014 CHRISTMAS SERMON

(Mangpa Pahtawi vai Luk 1:14; 2:11)

- Upa Khupsuankham
Sr. Secretary (ZPCS)

December 72 BC Jesu pien hun sung, Bible a umlou kum chin a Khristian ten iman zingna thu uh tam anuoiate pansan a iman uh ahi.

- Ani sanga athu apoimaw zawh ziehin athu in akigiel a, tua khu phalbilai ahi. A tangpi in Bible sungah a tarik kigiel senglou in AD & BC leh ahupong sung a kigel zel hi.
- Khristmas vaiguon kizahna khu kum 2000 vel ahita hi.
- Unau Sabbath ten December 25 Jesu pienni khu "Temuji" pienni achi ua, Jesu pienni namdetna ahi.
- BC 4 lai in Pope julins in Jesu pienni December 25 khu suti nia zah ding achi hi.
- Nisa beten December 25 khu Jesu pienni ana chi uhi.
- America ten December 25 Jesu pienni khu Holiday in 1870 apat in ana mang panta uhi.
- Rome gam khenkhatten December 25 Jesu pienni toh kituoh in amang uhi.
- Greek leh Russia mi kulmut dieh ten December 25 khu suolam mipil thumten Jesu Bethlehem bawng inn a avamu na ni uh achi uhi.
- Bible lama misiem ten December 25 Jesu pienni hi dinga tahsang theilou ten vapei uhen len Rome khopi a min simna bupi (Record) va kiphenta uheh, achi uhi.

Jesu hing piendan

Anu Mari Joseph toh zi leh ta in kinei vai chiin kikhaamna abawl ua azui lou penpen suonga selup ding ahisih leh akikhen ding uh, chi khu Judate dan khat ahi. Joseph in akhatna pen a ngamthaw sih a, anina kikhen ding thu pen peipi sawm a, zapi thei a genselou in

alawmnu Mari khu daptawpsan atop laitah in Vansawltah khat in "David suon Joseph na ji ding Mari khu lunghimaw sin, Hagau siengthou gaisah ahi bou hi. Aman tapa khat ang nei ding a amin Jesu hisah vachin aman amite atawnkhielna uapat in a hundam ding hi" achi hi. Tuachin Joseph in Mangpa

Pasian thu thei mama, Hagau tellou ahi. Tam Belampu in Khopkhawm hun ah Judate ang kaikhawm ding hi. Jentel te vang ginna zieh mai a Belam mai ihi ua (Heb.8:10; Jer. 31:33; Rom. 11:27; Heb. 10:16; II Cor. 3:3). Thu toh pienthana (II Cor. 3:4-6). Pasian thu leh dihtatna leh chitna thute a thei ua, thugen a siem mama ding ua, Pasian ngaisah bahna nei in a silbawlthei na nuolin, Pasian ka thei a chi ding ua, gamtat, hinkhuo, nasep dan in amaute pampai zelzel in zui thei leh etton leh neh thei ding anei sih ding ahi (Mei tuipieu Tit. 1:16; Juda 12 etc).

3. Sabath: Ama khu Sabath Mangpa ahi.

4. Pentecost: Ni 50 chinni (peikan kut leh thawkiani kikal) ni 50 chinni a Hagau hing tunni (John 16:13ff; Nasept. 2:ff). Charismatic: Tam Pentecost Hagau khu Juda mi leh Jentel mite huop, Pasian thu a tahtah a bukimna ahia, thumai hilou in silbawltheina toh Khristian gam a mapuitu ahi hi (Rom. 8:15; etc).

Tam Pentecost Hagau khu Welsh gam apat in Khasi Hills ah 1910 a natungin 1915 vel inn Mizo Hill ah ana tung a, Hmar biel hing tawnin Manipur a Zou Synod hing hingdoh halpina Hagau ahia, Zou Synod zong thu leh vaihawmna ah piching bang tamalei Pentecost Hagau zakhawm na zieh a silbawltheina, kiitna, thu taha khanletna tuntu ding Hagau ahi ziehin i lunggul uhi.

A itna thuhin shi dingte ziehin a Van Mangtouppha nuasie a lei mun ngiem pen ah mihing hina zong tang zoulou leh, shina lah ah shina huoisie, minsiethuoi tah zapi mai a sielphouna leh Pasian hing tapa tahpi man neilou tah a khopi pulam a pampai a um Nazareth mi Jesu itna thupi leh a Hagau sieng thopna zieh a kiit tuo chiet dingin nausen Jesu min in simtute zousie Mangpa'n guol jawl taken.

Tam Article khu Van taang leh kiellap dingin ching zoulou, theina tahsap zieh a gen chingla leh vaal kha aum leh itna zieha na theisiemna kang ngen hi.

akilem a, mihing khu a mihingpi toh akilem thei ahi. Tambang kilemna khu nasepte laibu ah akimu thei ahi. Bung 8, Ethiopia sumkempa, Ham tapa pienthana ah akimu thei ahi. Bung 9, ah Tarsus mi Saul, Shem tapa akimu kia a. Tualeh Bung 10, ah Korneliate inkuon, Japheth tate akimu thei kia ahi. Abawn un Pasian inkuon a mite ang hisuoh ta uhi. Daltanna baanglai achim ta ahi. "Juda/Greek, suoh/suohlou, pasal/numei aum nawn ta sih a Khrist Jesu ah khat na hi ta uh achi ahi." (Gal. 3:28). **Jesu na neilouleh lemna na nei sih ding. Jesu na nei leh lemna na nei ding.**

3. LEMNA MANG UMPINAIN EITE HAMUONNA ANG PIE HI: *Khrist nasepna a Lemna Mang ahina dang khat kia ahileh ama umpina ahi.* Khrist umpina khu I bawltawm leh siemkhieh thei sil hilouin a thu apat imu sil ahi hi. *Ama toh umkhawmna in lemna leh muonna ang pie hi. Khantanhoite i simleh nuazui 12 te khu amautenglah ah koi alien pen diei chi bang akidong zel ua, hamphatna mu ding akilamet thute uh bang akimu a, a pupa uh bang lou deuin nuazuite khu a adap bupoi zel uhi. Khat vei amau pawl a hilou khat in mi sung apat daw i a notdoh a, akha'm sawm mawh uhi. Tualeh*

Mangpa Jesu khu kho khat a azintun utlou ziehun anuazuite alungthah ua, lemna bawltu hi sangin, van apat meikuong hatsuh a tua khuo pen kahtum sah ding lunggel anei uhi. Tamnah, nuazuite imawsah maithei hinanleh eima leh eima kien phot lei. Bangza vei tah ei um zieh a thu nawng kai zing atai? Ei um zieh a buoina pieng atai? Ei um zieh a gaal leh tuol pieng ahiei? Ama'n (I Mangpa Jesu'n) lemna leh muonna anei dan, mat a aum za'n leh khetbeh a aum ding kuon in akilang ahi. Apupa un aumpina zieh in lemna leh muonna anei uhi. "Na lah uah muonna ka nuosie hi". Ashi zouin nuazuiten Jesu amu kia ua Aman amau kungah "na lah uah muonna um hen" (Jn 20:19) chi in akhut leh anaah teipi a sutna a ensah hi. Aziehpun tua lemna leh muonna khu ama tahsa a alei ahi. Khristian khat a dingin muonna khu Khrist in cross tunga a nasep a kinga ahi. Tam khawvel a lemna leh muonna aum a, a damna dingin I Mangpa suhlam in ang um ta. Ama Jesu Khrist mishilah apat athaw kia a apa kunga akile kia in aetsah ahileh tunia Ama toh kipah tah a iki thuokhawm theina ding leh ium khawm theina ding a hi pen ahi. Ama khu i Siampu Mang, i Melkizedek uh, Dihtatna Lengpa, Lemna Lengpa ahi. (Heb 7:1-3). Kross ah dihtatna leh lemna

akigawm a Pasian Mangtoupah ah Jesu Khrist tungtawn in lemna in vai ahawm hi. Jesu Khrist khu hamuonna hing pethei Lemna Mang ahi. *“Zau sih un keiman kang umpi hi; chimaw dieh sih un kei na Pasian uh ka hi. Ka hing suhat ding ua ka’ng panpi ding uhi; ka dihtatna ka khut zietlam in kang domsang tou ding hi.* (Is. 41:10).

4. LEMNA MANG THU AH LUNG MUONNA INEI THEI

AHI. Athu siengthou tungtawn in aman lungmuonna ang pie uhi. Jesu’n achia, “Tam thute nou kang hil zouta hi, keima nouten muonna na neina ding un. Tam leitungah buoina na tuoh ding uhi. Hinanleh lungkham sih un keiman khawvel ka zou ta hi. (Jn. 16:33). Athu tungtawn in Aman eite lah ah thu agen zinga, ang houpi zing hi. Tuachin i lungtang uah muonna inei thei uhi. Mangpa Pasian thugente ka ngaikhe ding hi ajiehpen Aman a mite muonna thu achiem ziehin” (Ps. 85:8). Eite lungmuonga um den a tou den mai dinga Pasian in lungmuonna ang pieh hi lou ahi chi ithei uh poimaw kia hi. Aman lungmuonna ang pieh na san ahileh lungmuong theiloute lungmuonna thu hil ding leh Khrist tanchin midangte pe sawn dinga ang pieh ahizaw hi. Lemna Mang in i hinkhuote aluodim chiengin,

tua Pasian apat lungmuonnain i lungtang uh aluodim ta a (Colo 3:15); tami in kilemna nasepna ah lemnasiemtu hina ang suoh sah hi. Ama eite toh aum tah ziehin bangma izau ta sih uhi. Paul hinkhuo a zong tuabangin asem ahi. Korinth khuo a Paul in hasatna atuolaiin Mangpa akungah ava kilah a, *“Zau sin gen zom zel in dai sin. Kang umpi hi.”* ava chi ahi. (Acts 18:9-10). Tuanuoin Jerusalem ah mat in aum kia a, a huntawpna dinga lunggel aumlaiin Mangpa’n akungah, *“Hangsan in Jerusalem a ka thu theipina thu na gen bangin Rome ah zong na gen ding “achia* (Acts 23:11). Paul akhuolzin tawpna Rome suongkul ah aum a, amasang ah shina aum ta hi. Tuahun in Timothy lai ahah a, *“Ka dihma thu ka gen masah laiin koiman ang dinpi sih a, mi zousien ahing taisan sieng zaw ta uhi, amawna uh ki puoh se da ta uh heh. Hinanleh Mangpan ahing dinpi a, ahing suhat ta hi,* (2 Tim. 4:16-17). Paul in Mangpa umpina amu bangin nang leh kei in zong imu ding poimaw hi. Abraham leh Enoch teloi toh ana vahkhawm banga eite toh zong vahkhawm ut ahi. Mose leh Davidte toh akihou ut bang, nang leh kei toh zong kihou ut ahi. Hebrew tangval thumte toh meilipia alut bangin hasatna ituote ah aman zong ang thuohpi ut ahi. Hinanleh

ngen lou (John 14:18; 15:4; 6:56; Ps. 4:4; 77:6 etc).

4. Lamdang (Is. 9:6) “Amin khu lamdang achi ding uhi” (Is. 28:29; 31:2). Tam Hagau khu ‘sisan a Thuhun hepina tultheilou lampi hilin, thuneilut leh lungnemna sinsah leh hamtheilou (unknown toungue) leh sil mah bawlina lampie in, lam khielna apata Pasian lam nuaheisahna (Jer. 6:16 etc te) ahi hi.
5. Lemguot thumop siem: (Is. 28:29). Tam Hagau in ang kisuhsienghoua zieh a Hagau silpiehte tang thei dinga mapuitu ahi kia hi (I Pet. 2:2; Mat. 18:3; Mark 10:15; I Cor. 14:20; Heb. 5:12-13). Naupang bahna lam zong a ensah hi.
6. Pasian hat/silbawlthei (Mighty God) (Is. 9:6; Deut. 10:17etc). Tam Hagau khu Jesu shina apat a kaithoupa leh mi shisate Pasian vaihawmna ma a ding dinga kaithoupa tha neitupa ahi. Tualeh tam Hagau in khovel suolna te zousah dinga panpitu ahi (I Pet. 4:1-2; 2:21; Eph. 6:13).

7. Kumtawnpa lemna Mang (Is. 9:6) Pasian khat a mi thumte toh kilemna/kihepina nasep lam a ensah hi (Naspt. 2:3f; II Cor. 3:7 etc).

Tam Jesu min sagite khu Pasian Hagau sagite zong ahi ngal a, Trinity Pasian suol gaal douna lam a Maru marang i chite banga Pasian bukim sahna dinga zie tuomtuom ahia, ging bukim or zawna hinkhuo, (hnehna nun) nei theina gam ahi hi. (Dawi sagi V/S Min/Hagau sagi)

ANG PIENKHIEH A CHIEMTE THEI PAWLPI LITE:

1. **Judate kumpi:** (Mat. 27:11-14; Mark 15:2; Luk 23:2; John 18:33 etc). Kel leh Belam nam khenin kum sang vaihawm ding.
2. **Belampu:** (John 10:11; Is. 40:11; Eze. 34:11-16,23; Heb. 13:20; I Pet. 5:4; Thup. 7:17). Belampu umzie khu tulai Jentel hun a mi piengtha te’n Mang leh Hundampa a apomna khu ahia, Hagau thopna pang nailou, tha toh pienthana gam a hina lai a; hichibang pientha hun in

Pasian tungah kipahtu igen kia uhi.

Kum zasagi malep a ang pieng ding Jesu tung thu na tangkoup i jawlneite'n min tuomtuom leh hinna tuomtuom nei a ana gen uh Jesu hing pienna tanchin khu khatvei gela deiteng genthei dan hun lem inei lou ziehin tutung a dingin ang piendan leh ang thupuoh phabep mawltah leh tom thei bangin houlim va ui.

1. Leitung Leeng leh Lal, mi thupi tahtahte a pien ding ziehin Van sawltah leh Jawlnei koima kam ah thu genkhol bangma zah leh thei ana hi lou laiin, Jesu pien ding thu leh atungthu bukim tah jawlneiite'n ana puongpuong mawh uhi.
2. Nausen a na chi uhi (Is. 7:14). Tam kammal umzie khu "Pasian, mihing hingsuoh (Incarnation) ahiziehin Leitung mi numei sulsung pansan ahina ahi hi (Phil. 2:7; John 1:14; Rom 8:3; Gal. 4:4; Heb. 2:17). Pasian tahpi, mihing hing suoh a, min khum dinga hing peipa khu Van mite min simna (Census) ah akisim na diei?
3. Tapa (John 3:16). Ama khu Pasian tapa ngel khu ahi (Heb. 1:2, 5-6; John 5:26; Heb. 3:6; 5:8; 7:28).

4. Vaihawmna David Mangtoup ha a vai hawm ding (Luk 1:32; Is. 9:7; II Sam. 7:12,13,16; A gam in bei chih nei lou ding (Is. 9:7; etc).

Bethlehem ah: Amin:

1. Khrist = Sathaunu/Belguol: Lei kisiem tunga gawsa Belamnou (Thup. 5:5; Gen. 49:9; Is. 6:8). Khrist Hagau in mite khu Pasian thu theina pilna lungsim a pie hi. Hagau khatna (Step khatna) ahi.
2. Jesu = Hundampa (Mat. 1:21; Luk 1:31; 2:21). A mite a khelna ua pata a hutdam ding ziehin chi ahia, Pasian leh mihing gawmtu (Pastor) nasep toh gente thei ahi kia hi (Eph. 2:6,15; 1:13-14; Thup. 19:7-8; Is. 6:10).
3. Immanuel: "Pasian eite toh a umkhawm hi" (Mt. 1:23; Is. 7:14; John 15:26; 4ff* aban sim be suh in china sign ahi) Mihingte dan toh gente in zawltuo Hagau ichi ding hi. Tam min khu gingtute hinkhuo muongmaw sah, Pasian thu ngai sah na, Bible sim a lasah utna etc te guon in Sacramente dugaw sah Pasian lam ah ginna mapuitu ahi hi. Tam Hagau tanglou Khristian khu a gawta, tuipomlou, Bible sim lou thu

aman eite ama a dinga ikipumpieh khu adeipen ahi. Eima mai hilouin inei zousie Ama a ahi. Ama dinga adei dan a zah khu a deilam ahi. Tuazieha Paul in, "Kei a dingin hin khu Khrist ahi" ana chia (Phil.1:21).

5. LEMNA MANGPA HING PEI KIA CHIENGIN LEITUNGAH LEMNA LEH MUONNA AUM TA DING HI. *I Mangpa Jesu'n lemna nna asep khu a nivei hing peikia hun (Second Coming) chiengin a subukim ta ding hi. Apien nia "leitungah lemna leng hen" ki chi banga tangtung thei ahia hinanleh amite'n tampa i tung uah vai hawmsah sih vai ana chi uhi. (Lk 19:14). Leitungah lem leng hen chi pen lei mihingte'n ana deilou uhi. Tuaziehin I Mangpa Jesu'n Jerusalem khopi ana kaa khum hi (Lk.19). Leitungah lemna ana umsih hi aziehp en Lemna Mang tellouin lemna aum ding sil hitheilou ma ahi. Tam Leitungah muonna kimuna mun ahileh tua cross phunga hing peia, a hundamna tang kate lungtangah lemna leh muonna aum hi. Hinanleh Leitungah Ama ang peikia a tam Leitungah a lenggam ang tun ding masang siein lemna leh muonna tahtah aum thei ngei sih ding hi. "Agam vaihawmna leh kilemna pundan in tawpni anei sih dinga David mangtoup ha tungah*

leh a leenggam tunga thu pe dingin vaihawmna leh thudihna sudet dingin tuani a kipat kumtawn dongin galkapte Mangpa phattuumngaina in bawl ahi ding hi." (Is. 9:7). Jawlneite kam apat ana kigen lemna leh muonna khu tangtun a hi ding hi. Tuahun chiengin Humpi nelkai leh belamte mun khat a akuol khawm ding uhi...mihingten kidouna leh gaal thute asim nawn sih ding uhi. Tuin Ama hing pei ngah in ium ua, inga zing laiin ama a luongmuonna khu inei ua, ikiim ipaam a muongtheiloute kunga zong tua lungmuonna thu khu i tangkou zel thei uhi. Psalm 72, Aman vai ang hawm ni ding khu ngah lain ium zing uhi. "Tangten mipite kungah hamuonna atungsah dinga, muol neuten dihtatna atungsah ding hi.... hapi um nawn lou tan dongin lemna leh muonna akhanglien ding hi. (3, 6-7).

Khristmas thupuoh khu ahileh Lemna Mang eite kunga hing peipa, eite lah a hing khosa a lemna hing tungsah, damsung hasatnate Suvengt u, ihatlouna zousie a Hatsahtu ahina ahi. Mitamtah a dingin tukum pen lungkham mangbat kum, kum hahsa, natna damlouna toh kidim a bei ding hileh kilawm khop hiel in alang maithei. Hinanleh genthei-hasa thuoh kawm

a Mangpa a dinga ikipiehna khu
Ama kipana ahi.

I Mangpa'n, "kotkhah ah ding in
kot ka kiu hi. Koizong kot ei hon

a ahileh a inn ah lut vangin ama
toh ann ka ne khawm dinga, aman
kei toh ann anekhawm ding" achia.
Lemna Mang hing lut theina dingin
i lungsim kotkhah i hong diei ma?

CHRISTMAS SERMON Silthawnpieh (The gift)

- Rev. Kaimuonlal
Singnat

Hun sawtpi akipat in vantung a mite'n khovel leitung a mihingte kunga sil khat a thawn a (aman bei a) pieh dingin ana lunggel zing uhi. Tua vantung mite'n khovel a mihingte a silpieh ding uh khu Vansawlsiengte'nana ngah zing ua, ana ngah la mama uhi. Vantung mite'n tua asilpieh ding uh khu vantung a, asil nei tengteng lah ua a itpen uh leh amanpha pen khat ahi. Tua mi khu bangma dang ahisih a, "Mang Jesu nunnem" ahi. Ama khu tungnung pen a Pasian tapa tangkhat nei sun ahi.

Ama khu Vantung miten amanbei a athawn lieulau a khovel a mihingte apieh uh ahia, hinanleh khovel in amapa khu anadei sih ua, vaidawn in zong ana um sih a, zong ana kipahpi sih uhi. Tua chieng in Hagau siengthou apat a avoptu, asuongtu anu Mary nasa'n in genthei tahin gan annkuong sung a, phalpi zan vawttah thuoh in ana piengsah nalai hi. Ahivang in ama pa pien khu Vansawlsiengte'n amu ua, avaidawn ua, akipahpi mama ua, tuipi ging zuo zuo bang in van lapawl asa ua, leitung a mite kungah atangkoupi uhi.

Luke 2:10-11 Tuni'n nou adingin David khopi ah hundampa apiangta hi. Ama Khrist Mangpa ahi. Hinanleh khovel a mipil, mihau, misiemte'n ama pa khu ana sang nuom sih ua, ana nuol uhi. Pasian biehinpi sung a sem sye te leh siempi te'n zong amapa khu ana nuol ua, tha thei na ding lampi ana sui nalai uhi. Ama khu mi nunnem, mi kingaangiem leh mawna neilou ahia, migiloute adingin ahinna ape khie a, Setan dawimangpa'n lam chinteng in ana sol a, ahivangin ana sol zousih hi. Nang leh kei a hing itzieh in Kross tung ah sisan kai

niunieu in ana thuoh a, asisan mantamtah ana luon ziehin nang leh ken kumtawn a shiding lai kumtawn a hundamna itang ta uhi.

Tua vantung mite'n sil manpha ahing pieh ukhu nang leh ken ikisaan a ahileh leitung idamsung leh ishi zounua chieng tan in mi hampah ihiding uhi. John 3:16, Ajiehpén Pasian in khovel a it sengseng a, tuachin atapa tangkhat neisun apieh hi. Koipou ama gingta in amanthat lou a kumtawn hinna anei zaw na dingin. Khovel a sil dang toh teguol lou Pasian silthawnpieh thupitah igel doh kie na dingun Christmas tuong ahing tungkia tahi. Sanggam aw tuami silthawnpia nang natang tai? Natan nailou leh tukhu nanga ding a hunlemtang leh hun umsun ahi maithei tading hi. Kingaituo pha in, nang bangchibang mi nahi chi apoimaw sih a, na damsung a na hinkhuo a Jesu na ki san pen khu a poimaw pen ahizaw hi. Ama'n napom ding ngah in na kung a aum hi. Nana san a ahileh, Ama'n vua bangin ahing sawpsieng ding a, guol ahingjawl ding a, tuachiengin ama khu na lawmhoipen ahing hita ding hi. Na hamsat, nachimaw ni leh nagenthei ni in zong ahing taisan nawnsih ding hi. Silthawnpieh 'Jesu' sangte pen ahinkhuo uh kikhellou, lamdang lou chi aumngai sih hi.

Mangpa'n simtute zousie Christmas tungtawn in hing vangbuoh chiet taken.

KHRISTMAS THUPUOH

- Upa T. Langkhanmang
Presbyterian Hattuum, Tuining

"Ei dingin Nausen piengin; tapa piehin i um ua, a liengkou ah vaihawmna um vanin, tualeh lamdang thumop siem, Pasian hat, kumtawn pa, lemna Mang a chi ding uhi " (Is. 9:6).

Ka Bible ham zah khu NIV a hiziehin eima Bible chiet toh a thu dei pen ina suhtuoh mai dingin kang ngen masa hi. Tualeh ang pieng ding nausen Jesu Khrista min in simtu kungah itna chibai kang hawm hi.

Lungdei Unau khenkhatte'n khawlna gam ei zotsan nua kum 2014 bei liem kia mai ding hun ah ei, dam a um sunte'n ingah leh ina galdot zing uh Khristmas dawn kia thei ding banga ei siem I Mangpa leh

A Monthly Christian Magazine

An Organ of the Zou Presbyterian Church Synod



Khristian Tangkou

Vol. 50 || No. 12

Suopat kum: 1964

DECEMBER, 2014

Christmas Issue



Editor: REV. TUALZACHIN

Undelivered
Please return to:

The Editor

Khristian Tangkou

ZPCS Office, Zomi Colony

Churachandpur - 795 128

P.O. Box - 48, Manipur, India

e-mail: zpcs@rediffmail.com/zousynod05@gmail.com

To

--	--	--	--	--

Edited and Published by the Editor on behalf of the Zou Presbyterian Church Synod

Khristian Tangkou

Vol. No. 50 || Issue No. 12 || December, 2014

Editorial Board

Editor : Rev. Tualzachin - 9862829526
 Joint Editor : Rev. Stephen Chinzathang
 - 9863042789
 ct_stephen@yahoo.com
 Cir. Manager : Upa Jamsianmung - 9862086615
 sianmung@rediffmail.com
 Bus. Manager : Kamgenpau - 8974612937
 Sye T. Ginzahau - 8974438842
 Cont. Editors : Upa S.K. Khama - 9856406454
 Rev. Awnkhankhup - 9862828921
 Rev. M.G. Nehlien - 09535042257
 Rev. Kaimuanlal - 9862923960

ZOU SYNOD ULIENTE

- Moderator:
Rev. Hangpi Manlun
- Moderator Elect:
Rev. P. C. Manga
- Secretary Sr.:
Upa Khupsuankham
- Secretary Jr.:
Upa Ngulchinkham
- Treasurer:
Upa T. Lamkothawng
- Statistician:
Upa Suankhanmang
- Exe. Secretaries:
Rev. Tualzachin
Rev. Stephen Chinzathang

Copies - 1000

AMAN

Kumkhat ah	- ₹	50/-
Post ah	- ₹	100/-
Copy khat ah	- ₹	6.50/-
Life Member Fee	- ₹	1,000/-
Patron Member Fee	- ₹	2,000/-
Memorial gift	- ₹	2,000/-

A sung thu

- Editorial..... 01
- Thu tuomtuom 02
- Reports 05
- Lemna Mang..... 07
- Silthawnpieh..... 12
- Khristmas Thupuoh 13
- 2014 Christmas Sermon17
- Eden tha alui sang 22
- ZPWF Report..... 23

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkothang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. Rev. Retd. V.Vungzalian	20. Rev. Retd. Kamkhosoi
21. Rev. Tualzachin	22. Rev.(Rtd.) H. Nengzaton	23. Rev. Awnkhankhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkothawng
29. Pu Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Pu Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhorian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhosam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhauieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkhohling
93. Pu Hauliankap	94. Pi Chinnu	95. Pu T. Kuppa	96. (L)Upa T. Gougin
97. Pu Ginsuanhau	98. Pu L. Langminthang	99. Rev. David K.Samte	100.Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taitul	104. Pu Kamkhankap
105. Bhim Prasad	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu Kamgenpau	114. Rev. Mangsuanthang	115. Pu Lamchinhau	116. Upa Pauchinlel
117. Kimneihoi	118. Nh. Niangsuannuam	119. Nu Ngaikhanvung	120. P. Sanjiv Zou

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngainuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang